

ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1.	Անունը, ազգանունը. Արմեն Ղազարյան
2.	Զբաղեցրած պաշտոնը. Միգրացիոն ծառայության պետ
3.	Գործուղման վայրը և ժամկետները. Նիդերլանդներ (Հաագա), 2022թ. հունիսի 27-30
4.	Հրավիրող կողմը. Միգրացիայի միջազգային կազմակերպություն
5.	<p>Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը).</p> <p>Կամավոր վերադարձի կազմակերպման հարցում նիդերլանդական կողմի փորձի ուսումնասիրություն</p>
6.	<p>Քննարկված թեմաները.</p> <p>Կամավոր վերադարձի համակարգին առնչվող խնդիրներ, կազմակերպական հարցեր, թվային լուծումներ, միգրանտների պահման վայրերի կազմակերպման հարցեր</p>
7.	<p>Հանդիպումները, ելույթները, բարձրացված կամ քննարկված հարցերը.</p> <p>Հայկական պատվիրակությունը, որի կազմում ընդգրկված էին արտաքին գործերի նախարարության, արդարադատության նախարարության, ոստիկանության անձնագրային և վիզաների վարչության և Միգրացիայի միջազգային կազմակերպության հայաստանյան գրասենյակի ներկայացուցիչներ, Հաագայում հանդիպումներ է ունեցել կամավոր վերադարձի և վերաինտեգրման ոլորտում Նիդերլանդների Թագավորության համապատասխան կառույցների գործընկերների հետ: Մասնավորապես, հանդիպումներ են տեղի ունեցել ՄՄԿ Նիդերլանդների գրասենյակի, Ամստերդամի ՄՄԿ կենտրոնի, Ռոտերդամի՝ չփաստաթղթավորված անձնանց հիմնախնդիրներով զբաղվող հասարակական կազմակերպության, Հայրենադարձության և մեկնման հոլանդական ծառայության, Հատուկ կացարանի, Սոստերբերգի պահման կենտրոնի ներկայացուցիչների, ինչպես նաև Հաագայում Հայաստանի դեսպանության գործընկերների հետ:</p> <p>Քննարկումների առանցքում եղել է անկանոն միգրանտի կարգավիճակում գտնվող օտարերկրացիների կամավոր վերադարձի եվրոպական փորձառությունը՝ նույն համակարգը Հայաստանում հաջողությամբ ներդնելու նպատակով:</p> <p>Այցը կազմակերպվել է Միգրացիայի միջազգային կազմակերպության Հայաստանի և Վրաստանի առաքելությունների կողմից իրականացվող «Հայաստանում</p>

և Վրաստանում միգրանտների իրավունքների և լավ կառավարման խթանում» եռամյա (2019-2022թթ.) տարածաշրջանային ծրագրի շրջանակներում:

Ծրագրի նպատակն է բարելավել Հայաստանի և Վրաստանի կառավարման մարմինների կարողությունները միգրանտների իրավունքների և միգրացիայի կառավարման հարցում, ինչպես նաև խթանել տարածաշրջանային համագործակցությունն այս հարցում:

Այցի ընթացքում Միգրացիոն ծառայության պետը և Նիդերլանդներում ՀՀ դեսպանը հանդիպում են ունեցել նաև Նիդերլանդների արդարադատության և անվտանգության նախարարության իմիգրացիայի և նատուրալիզացիայի ծառայության ղեկավար Ռոդիա Մասսի և Մեկնման ու վերադարձի ծառայության ղեկավար Յանիտա Ռոբերսի հետ: Նիդերլանդական կողմը պատրաստակամություն է հայտնել աջակցելու Հայաստանին կամավոր վերադարձի ինստիտուցիոնալ համակարգի կայացման հարցում:

Քննարկվել են նաև ապաստան հայցողների նոր կացարանի շինարարությանն առնչվող հարցեր, որի համաֆինանսավորողներից է նաև Նիդերլանդների կառավարությունը:


8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

Չկան

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

Չկան

10. Ստորագրությունը, ամսաթիվը:



04.07.2022